

**Inatsisartut aalajangiiffigisassaattut siunnersuut Naalakkersuisut peqqunneqassasut Islandimi kalaallit sinniisoqarfianik pilersitsinissamut, pitsasumik sanileriinnerup ineriarnera qulakkeerniarlugu Kalaallillu Nunaannut inuiaqatigiinnullu kalaallinut Islandimik suleqateqarnerup sapinngisamik annertunerpaamik pitsaanerpaamillu ilua-naarutigisinnaaqqullugu.**

*(Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq)*

### **pillugu**

### **Nunanut Allanut Sillimaniarnermullu Ataatsimiititaliap**

### **siunnersuutip aappassaaneerneqarneranut**

### **ISUMALIUTISSISSIONAA**

Ataatsimiititaliap suliarinninnermini kingullertut ilaasortarai:

Ane Hansen, Inuit Ataqatigiit, siulittaasoq  
 Justus Hansen, Demokraatit, siulittaasup tullia  
 Jens-Erik Kirkegaard, Siumut  
 Ineqi Kielsen, Siumut  
 Martha Lund Olsen, Siumut  
 Iddimanngiit Bianco, Inuit Ataqatigiit  
 Per Rosing-Petersen, Partii Naleraq

Ataatsimiititaliap ulloq 2. maj 2017 siullermeerinninnerup kingorna siunnersuut misis-suataarpaa.

### **Siunnersuutip imarisaa siunertaalu**

Siunnersuuteqartup kissaatigaa ukiortpassuarni Kalaallit Nunaata Islandillu suleqatigiis-simanerata nukittorsarneqarnissaa ineriarternneqarnissaalu siunertalarugit Islandimi nunatta sinniisoqarfianik pilersitsisoqassasoq. 2013-imi Nuummi Islandip sinniisoqarfimmik Generalkonsulatimik ammaaneranut atatillugu siunnersuut isigineqassaartaaq.

### **Siunnersuutip Inatsisartuni siullermeererneqarnera**

Siunnersuut Inatsisartuni siullermeerneqarami oqaaseqartunit tamaginnit tapaserneqarpoq.

### **Ataatsimiititaliap siunnersuummik suliarinninnera**

Ataatsimiititaliap maluginiarppaa siunnersuut aalajangiiffigisassatut siunnersuummut UPA2012/24-mut ataatsimiititaliap allannguutissatut siunnersuuteqarluni isumaliutissiissutaa-

nut naapertuuttoq:

*"Namminersorneq pillugu inatsimmi § 15 naapertorlugu nunatta soqutigisaasa isumagineqarnissaat siunertaralugu Naalakkersuisut sinniisaannik USA-mi Islandimilu danskit aallartitaqarfíni atorfinitisisoqarnissaa siunertaralugu danskit naalakkersuisu-inut attaveqaqqullugit Naalakkersuisut peqquneqarnissaannik Inatsisartut aalajangi-iffigisassaattut siunnersuut".*

Ataatsimiititaliap allannguutissatut siunnersuuta ulloq 10. maj 2012 Inatsisartunit isumaqtigiittunit akuersissutigineqarpoq.

UPA2012/24-imut isumaliutissiisummini ataatsimiititaliaq allappoq:

*"Ukiut ingerlaneranni USA-mut attaveqarneq assigalugu nunarput Islandimut aalajangersimasunik attaveqaateqalersimavoq. Suliffeqarfíit Islandimeersut arlallit nunatsinni ingerlataqarput, aalajangersimasumik timmisartukkut attaveqartarpugut naalakkersuinermillu suliaqarneq eqqarsaatigalugu ukiumoortumik naapeqatigiittarnerit arlaliullutik, aamma aalisarnermut tunngatillugu, soorlu aamma naalakkersuinikkut attaveqaatit nukitorsar-neqarsimasunut Nunat Avannarliit Killiit Siunnersuisoqatigiiffiat Nunallu Avannarliit Siunnersuisoqatigiiffiat aqqutigalugit. Taamatuttaaq ukiut kingulliit ingerlaneranni nunatsinni Islandimilu peqqinissaqarfíit akornanni suleqatigiinnermik pitsasumik ingerlalluartumillu ineriartortitsisoqarsimavoq. Ataatsimiititaliaq isumaqatigiittoq taamaattumik isumaqarpoq pingaarnersiuinermi Island nunatut sinniisoqarfefqassatut USA-mut tulliusariaqartoq".*

Ataatsimiititaliap tamanna tunngavigalugu Islandimik aallartitaqarfefqarnikkut attaveqaatinik pilersitsinissamik Naalakkersuisut ilalerpaat. Nunatta akornanni attaveqaatit, naalakkersuinikkut attaveqaatit saniatigut aamma ilaqtariinnikkut inuussutissarsiornikkullu attaveqaatit, sakkortupput sinniisoqarfimmillu ammaanikkut tamanna uppermarsarneqarlunilu nukitorsarne-qassaaq.

### **Siunnersuutip aningaasatigut kingunerisassai**

Inatsisartut Suleriaasianni § 33, imm. 1-imi aalajangersarneqarpoq aalajangiiffigisassatut siunnersuutip piviusunngortinneqarnerata aningaasatigut allaffissornikkullu kingunerisassai siunnersummut tunngavilersuutini allaaserineqassasut.

Ataatsimiititaliap maluginiarpaanunatta sinniisoqarfianik pilersitsinermut ingerlan-neqarneranullu aningaasartuutit tamarmiusut ukiumut 2,5 mill. kr. missaannut missingerneqarsimammata. Tamatuma apeqqusernissaanut ataatsimiititaliaq pissutissaqarsorinngilaq.

**Ataatsimiititaliap inassuteqaatai:**

**Ataatsimiititaliap isumaqatigiittup siunnersuutip akuerineqarnissaa inassutigaa.**

Taamatut oqaaseqarluni isumaliutissiisummilu oqaatigineqartutut paasinnilluni ataatsimiititaliap siunnersuut aappasaaniigassanngortippaa.

---

Ane Hansen  
Siulittaasoq

---

Justus Hansen  
Siulittaasup tullia

---

Jens-Erik Kirkegaard

---

Ineqi Kielsen

---

Martha Lund Olsen

---

Iddimannngiui Bianco

---

Per Rosing-Petersen